


01060



温州市图书馆

WENZHOU LIBRARY

00010



温州市图书馆

WENZHOU LIBRARY

羅山樵子吟稿

書樓夜坐

瑞安梅史余

瀾著

書樓貪靜坐 鑪篆影初交 簾薄秋燈透 村深夜柝敲 偶翻殘稿閱

細檢舊詩抄 起看天邊月 寒光墜竹梢

湖村即景

隱隱湖村起 暮烟模糊雲 樹水堤邊飯 牛人過彎彎 路把竹兜撐

小小船瓜圃 燈明驅夜豕 蓼汀花冷捕 秋鱖稻香吹 送柴門裏爭

道今年是稔年

初夏偶成

鶯兒恰恰花 漸稀梅子墜 地黃金肥白 苾衫穿珠汗 濕青蒲扇動

薰風微午睡 荒齋蝴蝶過 日長籬落蜻 蜓飛滿山 濃綠魚限好 人

在煙蘿開竹扉

曬書歌示姓兒

鵲聲穿樹日滿廬人皆曬穀我曬書有書不曬被蠹蝕有穀不曬
被鼠肱小兒笑問牽余衣阿爺曬書計亦非有穀無書兒必飽有
書無穀兒必饑余聞兒言意良厚書可悅心穀悅口穀縱療饑饑
復來書當咀口味愈久余家慚無一項田紛紛斷簡與殘編曹倉
千倉兩無有將書當穀心陶然書當穀付汝讀朝一編薄薄粥暮
一編薄薄粥百家肴核羅胸熟阿翁今朝且曬書阿兒他日須曬
腹

讀項王紀

當年劉項戰關中仁暴紛紛說不同但把虞姬比呂后豈真隆準
勝重瞳漢興走狗都罹禍楚滅烏騅亦效忠寄語世人高着眼莫

將成敗論英雄

雨中見杏花

一枝紅豔雨香含春色泥人酒半酣記得去年山館裏落花時節

夢江南

新正十日村中書喜

到處譁聲笑語同今年端的是年豐酒帘招客去浮白山鳥喚人

踏軟紅簫鼓河橋迎社祖書聲鄰壑坐村童不知誰氏牽衣女也

着新衣省外翁

小小柴門短短牆新景春風景足田莊簫聲草巷錫趨市燈影神祠

伶作場提竹籃翁分廟肉插藤花婦鬪村粧偶從麕眼籬邊過一

片蜂聲野菜黃

庚子春登白雲嶺訪黃衡石時衡石讀書山中即止宿山中

夜話余時未有作也屈今十餘年追思往事忽忽如昨補

賦二律兼呈衡石

乍得心知睡不成茶烟一縷一棋枰梅開夜月色香靜枕冷溪雲
魂夢清禪榻暗浮秋露影僧樓剛打暮鐘聲忝為此夕山中客聽
徹深林鳥報更

小別無端動記年追思往事尚依然燈殘永夜漏將盡月到半牕
人未眠中酒不辭歌斫地吟詩快比佛昇天何當重作山中話爭
得豪情到枕邊

立夏後連日陰雨詩以遣悶

沉沉小院長莓苔兀坐閒傾酒一盃滿地鑪烟燒白木空階夜雨
滴黃梅竹梢壓屋溪雲墜桑葉喧門山鳥來記取明朝初日霽扇
紈爭向嫩晴開

冬日田家雜詠

一畦寒菜綠初勻
毛竹編籬傍水濱
了髻誰家小兒女
柴門團坐看行人

柴米油鹽蝦蟹魚
不知雜字愧何如
為兒聘得村夫子
一盞篝燈夜讀書

糟床風雨酒初膠
客到盤中有野肴
胥吏不來逋債了
柴門掩着没人敲

築罷泥牆補罷籬
一冬無雨笑開眉
閒來爰向南簷坐
對着斜陽捫蝨兒

親舊招邀笑語溫
婚姻草草具雞豚
東隣女作西隣婦
兩姓朱陳一樣村

草花壓鬢布裙紅
新嫁娘歸省阿翁
莫笑村粧太粗淺
荆釵原是

古人風

更深村杳響遊遲小犬信信吠竹籬曉起鄰翁誇向我犝牛昨夜

又生兒

西舍烹雞斫膾鱗東家把帚打灰塵老農戴却黃冠走一路燒香

拜野神

歲歲年年望有秋占晴課雨卜田疇數錢買得新年歷先看芒神

并土牛

裝衣只為歲豐登長布裁衫短製滕預約上元佳節至牽孫携子

看春燈

祭灶詞

華燈果餌椒盤陳田家臘夕祀灶君甕頭漉出新釀酒有酒盈樽

旨且醇小婦點清茶大婦薦香羹老翁致詞女兒笑灶君聞之歡

顏生灶前譁笑君莫責灶上塵灰君莫嫉勸君多食膠牙餠善惡
休向玉皇述祝罷酒澆生茅中送君歸兮醉顏紅小兒收拾棗栗
去乞取利市東堂東

書齋漫題

廉讓之間宅可尋門前綠樹自成陰一簾花影寫墨竹滿几茶香
彈素琴偶坐翻書難釋手却忘對客正談心年來自笑踈慵慣牕

外花堆一寸深

溫州竹枝詞

東甌地接海東流澹澹風帆密密舟賈客魚鹽估客布却教人說

小杭州

上巳風光俗舊請賽神鼓打一春酣不須更買錢玉夜燈市年年
三月三

五言古詩卷之三

跨湖小屋跨湖樓橋下撐篙屋下舟任爾蓋為門下客到來怎敢
不低頭
甌江江上釣魚磯一葉漁舟去似飛帆飽潮回明月渡腥風吹過
石華肥
滿城風景擅清宵未晚沿街蠟燭燒幾處湖房人鬪酒數家樓館
客吹簫
謝客巖邊夕照遶松花五粒點春衣行人指點山頭石曾刻先朝
太守詩
中川瀲灩酒人尋孤嶼風煙騷客吟底事齋婆齊喚渡燒香都要
到江心
甌潮出嶼見明沙看罷潮頭恰到家怪的香風吹不斷美人樓上
掛蘭花

大家娶婦鬧笙歌
高敞瓊筵豔綺羅
絕似廣寒宮不鎖
紅燈影裡

坐嫦娥

上墓風光柳絮

葉

青嬌娘穩坐牡丹亭
笙簫迭奏將軍令
贏得紅顏

帶笑聽

誰家水閣起層層
曲曲欄杆小小屏
最好澹雲微月夜
簷牙高點

竹絲燈

海國煙霞分外明
夜聲人語雨初晴
不知誰把飛鳶放
二月春風

白鹿城

竹籬茅舍阿誰家
春滿暖園林橘放花
天氣熟梅逢穀雨
筠籃喚賣

雁山茶

兩日陰陰三日晴
甌絲出火繭將成
阿娘搖手向兒囑
八貝蠶眠

莫浪驚

麗 娘 家	紅 牕 隱 隱 豔 風 華 霧 髻 煙 鬟 燈 影 斜 記 得 舊 游 橋 畔 路 綠 雲 深 鎖	似 如 園	東 山 山 石 斲 雲 根 松 古 花 香 鳥 語 喧 池 上 樓 開 牕 四 面 更 無 風 景	山 樂 官	草 滿 池 塘 花 滿 欄 西 堂 簾 捲 未 春 殘 晝 長 午 夢 恰 將 醒 啼 鳥 一 聲	蘸 青 鹽	櫻 桃 顆 顆 笋 纖 纖 四 月 園 林 菓 子 甜 昨 夜 阿 嬌 酸 澱 齒 淡 黃 梅 子	勝 王 餘	絲 蓑 青 箬 大 江 漁 駝 背 提 籃 喚 膏 魚 莫 笑 老 農 難 下 箸 龍 頭 魚 味	木 棉 花	大 兒 鴉 鐘 種 黃 瓜 小 婦 雞 鳴 浣 白 紗 花 事 年 年 忙 不 了 紅 花 開 過
-------------	---	-------------	---	-------------	---	-------------	---	-------------	---	-------------	---

清江省元嘉區後朝鍾分世遺書委身會

春日孟樓卽目

高樓俯瞰大江橫
江水澄鮮雨乍晴
芳草綠過巴子國
杜鵑紅到越王城
帆歸遠浦飛雙槳
鐘落洪濤迸一聲
記得襄陽留咏處
蒼茫不盡古今情

十七夜在海城觀龍燈燄火

錢王為惜春宵去
特買春宵一刻回
夜月白沉金鑰靜
江龍紅挾

火珠來一聲雷向地
中起萬樹花從天上開
世界昇平人盡樂
笙

簫歌裏舉吟盃

書牕雜興

安排小榻下簾鉤
打疊殘書當枕頭
牕破渴蠅窺硯水
燈昏饑鼠

掠茶甌月移竹蔭涼
侵夢風送棋聲冷
迸秋客倘能來
拈坐坐清

談大半為詩留

芥川之書畫文庫卷之三十三

室小名香一縷團書長睡起倚闌干偶思仿帖硯先洗魚計消閒
書借觀幾樹禽聲啼午寂半簾花影護春寒韶光容易多虛擲只
覺兒時歲月寬

夜泊

黯黯雲山露氣清舟人繫纜近三更月明湖水秋無影浪打篷牕
夜有聲村火紅驚寒犬吠霜花白趁嫩風生客心最是難消遣燈
暈昏黃夢未成

新燕篇

游子行未已紫燕仍飛飛江南二三月古巷鬧烏衣烏衣有情工
軟語呢呢絮絮學兒女穿過銅街一路煙撲來繡幕三春雨三春
上巳踏青辰寶馬香車清渭濱慣掠香泥營舊壘慣啣花片逐芳
塵昔年人去長安道今年綠遍芳洲草同是天涯飄泊身感時惟

有閨中早閨中少婦翠眉低捲起珠簾薄霧迷不怨燕飛掠髻影
只嫌燕語愛雙棲燕飛燕語東風裏流鶯舞蝶一齊起錯認雕梁
十二回肯辭故國三千里誰家紅樓臨狹斜誰家女兒隔縵紗幾
度嬌歌思蕩子幾回繫線泣年華年華如水容易度飛絮飛花攔
滿路笙簫何處好池臺那得主人長似故主人盡日事吟哦燕已
營巢雛更多西風茆屋斜陽裡送汝飛飛秋水波

初夏偶成

班鳩穀穀逗牕紗小院風輕聚落花剛是午眠初醒後一簾微雨
試新茶

閒意

領得荒村一味閒僻居陋巷敢希顏垂竿坐愛門前水仰面貪看
牆外山好夢醒來多失記小詩書後又重刪忽聽短笛無腔弄牧

子騎牛過水灣

春日村庄即事

茜裙兒女隔笆籬
兩兩蒼髯扶杖嬉
蜜滿蜂登三月課
牕晴蠶熟
一窠絲草舖野岸
牛呼犢花暖鄰家
燕哺兒如此風光
村裡勝最
坵人是夕陽坡

上巳日登揖青亭時在鹿城看燈

看燈連日未曾休
偶上江亭為少留
三月鶯花逢上巳
六朝歌管
動春愁
漁舟一葉隨潮下
山黛雙鬢抱水流
城郭萬家烟火迥
此身端合在瀛洲

苦雨

簷前浙瀝雨聲聲
一月曾無半日晴
野客行嫌村路滑
漁舟撐與
板橋平雲低
大樹鳩呼婦水積
閒階蟻起兵薪濕
午炊炊不得炊

清江省元嘉因得車策子書

烟裊到小牕

秋夜懷紫石時紫石客魏昌陳琢如夫子幕中

幾年相別隔江關鴻雁南飛人未還夜月應傾燕市酒秋風又到

鹿城山紅燈影冷砧千杵黃葉聲多屋半間何日重圓鄉國夢啣

盃相對意閒閒

聞鴈

荻渚涼生秋到先雁聲遠墜晚風前更闌燈燼客驚夢夜冷月明

霜滿天水國寒深呼伴宿蘆花影重壓雲眠閨中錦字論長恨欲

寄音書轉惘然

登觀海亭

放眼雲江江水東氣吞雲夢一盃中波翻鰲背掀天白日射鯨睛

捲海紅島嶼平分巴子國帆檣飽趁大王風不知何處歌聲起向

晚漁舟唱未終

閒居

閒居岑寂儼山家一縷名香一盞茶
午倦好書拋竹枕夢迴殘月

上牕紗初晴階曬君臣藥久雨園開
姊妹花得句有時隨手錄微

吟何礙愛雙叉

山行即目

半山半水總相宜剛是林巒到眼時
滿徑松花連寺入一溪竹影

塵雲移卧田犢子斜窺客偷菓猴公
倒挂枝鼯鼠驚人狂欲避踏

殘古木幾枝欹

煮茗

露芽小碾雜風聲安置銅瓶親手烹
旗展竹園逢穀雨鑪翻槐火

近清明雪消湖墅凍雲散泉釀山牕
春夢成花影半簾書半榻一

清江雜錄卷之三

甌初試嫩香生

焚香

重簾不捲篆香遲書味醇醇靜裡思剛是小牕風定後恰當深院
夢迴時茶烟半榻漏聲寂涼月一庭花影移清獻高風誰得似箇
中消息有天知

洗硯

微凹古硯聚龍賓偶愛臨池日日新三折波迴苔髮淨一溪雲樣
墨花春臣心似水守其黑石質原堅磨不磷從此詞源傾萬峽不
教筆底着纖塵

看竹

瀟瀟風雨晚山稠午畝渭川眼底收俗有此君醫最好瘦因魚肉
我何愁青節月影漏千个綠迸秋聲滿一樓莫怪牕邊蕉葉暗經

他彈後不昂頭

夜坐

滿天涼露濕輕紗
風裊鑪烟篆影斜
靜夜閒庭無客到
月鉤初上

紫藤花

村庄晚步

數椽草舍並雞栖
小住湖邊似灤西
新雨秧田多是水
初晴沙路

不成泥天聲竹外吠
生客藥囊^裏窓前憐病妻
一束荆柴堪蘊火
夜

歸應識綠楊堤

送春

無計留春春不留
離情無那上簾鉤
門扃雨裡梨花落
夢到江南

燕子愁故國鶯聲催別路
夕陽人意懶登樓
一雙蛺蝶殷勤甚
猶

逐殘紅趁水流

浙江省示嘉區徵輯先哲遺著委員會

寶巖洞

行行入山洞洞名寶巖久誰為破天荒
鬼斧施擊剖石色青赤黃
面面無不有鼯鼠啼枯藤寒螿咽
秋柳宛轉松楸間一步一回首
苔涓路盤渦惚恍墜井白颯然清風來
浮嵐塞滿口轉過石橋西
山僧正刈韭招我步層崖微聞水聲
澗水聲雜磬聲梵_字開石牖古
佛嵌巖頭面目粗且醜禮拜跪蒲團
香烟散林藪衲子捧茶來味
之滌塵垢偶坐聆清談自午將及酉
灑然出洞來怪石迎人走何
處唱山歌如是采樵叟

過仙巖積翠峰下舊時讀書處

記得山齋漫汗遊攤書林下坐科頭
半牕蘿月鐘聲靜滿地松花
澗水流篆壁蝸涎汚舊墨覆堦
梧葉撼新秋重來笑向青山問可
記當時勝賞不

不倒翁

祇緣步履不蹣跚
弄得鬚眉做一團
磨頂虧他筋骨健
側身怪爾肚皮寬
方知世上回頭易
始信人間立腳難
畢竟痴聾還最好
任人簸擺總相安

齋居閒詠

遲遲清晝靜中消
無事齋居覺寂寥
招客同斟桑落酒
呼兒高唱太平謠
避風護燭牕糊紙
積雨逢晴地起潮
習靜不聞車馬擾
只聽牆外一聲簫

偶興

不是心齋轉是愚
自關蓬戶愛清娛
池中水暖添魚子
簾外春陰落鼠姑
啜茗品評詩格調
看書消遣睡工夫
眼前且領幽閒趣
莫惜花間酒一壺

清江雜詠卷之四

挽表兄蔡仙舫

蓬島瑤池路渺然前身應是掌書仙只因未了塵緣夢小謫人間

三十年

擔簷山館拜先生暈碧裁紅記不清最好半牕秋月影青燈一盞

讀書聲

歡呼文會少年場燭剪西牕夜未央君獨淋漓濡大筆千鈞魄力

寫文章

妙齡鬢序飲香名豪氣籠人四座驚豈料拏雲心事健青衿一領

了前程

靜來面壁似參禪君生平喜靜參破真禪壽不堅應是文人多慧業若

非成佛定生天

功名還望築沙堤底事英年效隴西虧殺游仙心太忍高堂已老

子初啼

不才兩載逝雙親風木傷懷恨此身今日慚無盃酒奠夜臺應諒

故人貧

記得今春賀句裁先生老矣壽筵開詩成對我呵呵笑道是東溟

西抹來

是春黃秋園先生
六秩君作詩賀之

衛玠清羸力不支維摩久病藥難醫高山流水今何在為買黃金

鑄子期

無端小別記千年夢幻韶華感逝川昨日黃公壚畔過一聲隣笛

月空圓

知君心折我詩篇不向靈帷化紙錢忍把挽歌書草草可能博得

到黃泉

塞上曲

浙江省立嘉興圖書館藏

天兵十萬尚桓桓
紫塞月明霜露寒
不怕顏旄難^草面
為君唾手

取胡蘭

荷戈壯士戍沙場
書寄秋鴻字一行
不道邊庭征戰苦
但云即是

郭汾陽

營屯細柳近斜暉
白面將軍著鐵衣
手挽雕弓盤馬立
鳴鶻雙發

陣雲飛

風捲旌旂壁壘開
邊聲戰鼓走春雷
爭誇漢將身如鐵
馬上生擒

胡利來

綠陰

非雨非雲暝色連
濃陰低壓樹頭圓
一欄蝶影弄花霧
滿院鶯聲

啼竹煙薄霽似含
中酒意輕寒猶怯
晚春天綠痕一片
模糊處剩

有殘紅分外妍

甌江竹枝詞

妾住甌江怕曉風
早潮落與晚潮同
願郎莫作潮無定
纔上西來

又轉東

江聲靜處阿儂家
一樹緋桃正著花
郎若來時同解渴
清香一盞

雁山茶

大姑提籠去採桑
小姑養蠶作繭忙
風前挽手各相笑
夜夜繅絲

趁月光

碧柰花開妾掩扉
木棉花開郎未歸
思郎怕見甌江水
水上鴛鴦

作對飛

古寺江心寺有松
松間寺打午時鐘
不知何處燒香女
雲鬢蓬鬆

却似儂

西家女兒顏如花
十五學彈箏琵琶
遮莫臨江彈一曲
江中有客

正思家

山下有江江有灣江上有山山可攀中川兩峰樓上看好似阿儂

雙髻鬢

白鹿城邊春水多賣魚艇子小於梭兩兩三三鼓棹去歌聲聽是

竹枝歌

清明日在海城作

三月東風吹滿城匆匆佳節又清明田頭群蛤吠春水屋角一鳩

啼午晴村店柳烟沽酒旆曉牕燈影讀書聲頻年浪跡他鄉寄此

地風花太有情

舟行書所見

一葉扁舟邁釣磯水風涼上酒人衣半湖暝霧壓船重兩岸青山

夾檣飛淺水窺魚雙鷺立小橋擔盞一僧歸行行搖入蘆花裡驚

起沙鷗亂夕暉

過梅崗

到得梅崗夕照銜土峰蜿蜒少巉巖山城繫石倭氛靖城以防倭

寇今已把矣其址尚存矣湖水通潮茶味鹹斥鹵開田木早熟魚蝦登市口先

饒人家煮海謀生息小舶裝鹽飽一帆

不寐

不寐聽更漏沉沉漏已闌書殘饑鼠啣燈暗小蛾彈兒睡鼾聲

健秋涼人影單如年難得曉雞唱自漫漫

村居曉起

曉起露光泣無人一迳清疎籬聞犬吠老屋聚雞聲宿霧壓花重

殘煙鎖樹輕飯牛人負耒東野事春畊

寶劍篇

浙江卷之五 嘉興府 嘉善縣 寶劍篇

神光離合拭鴉膏高堂白月明秋毫此劍時時作光怪蛟龍半夜
牀頭號相傳鑄時魑魅伏今生日期火刻木陰風颯颯砭骨寒百
萬愁魂鞘中哭黃蛇之珠嵌刀頭七星熒熒青光流髑髏腥氣帶
繡澁風雷閃怪神鬼愁沙場殺賊短兵接血痕紅點荆卿俠拔劍
斫人劍無聲人頭落地輕於葉天生神物不輕投噤氣由來冲斗
牛腰間伴我封侯骨莫借他人去報仇

醉歌

讀書當讀萬卷書飲酒當飲千日酒丈夫意氣薄雲霄豈肯齷齪
居人後眼空六合渺九州西江吸盡只一口君不見班定遠投筆
揮雙肘又不見棄繻生請纓關外走男兒骨相當封侯土室低頭
無乃醜學書不成當學劍博取金印大如斗方今苞孽起海邦鯨
鯢未掣水犀手願提昆吾百鍊刀挺身刺入豺狼藪一刀一刀霜

雪飛三刀兩刀龍虎吼生擒頡利獻關中截軒樓蘭懸馬首天子
含笑明光宮道是書生不易有賜汝盧矢并彤弓纍纍若若印與
綏他時高閣圖麒麟大書特書臣某某噫嘻乎衛青天幸何足多
李廣數奇非吾偶

新晴

細雨連番掩竹扉今朝纔得見暉晴鵲聲穿樹日當午花氣薰牕
蝶遶衣春水綠時沙鴨睡夕陽紅處紙鳶飛青山一角明於畫向
晚樵歌出翠微

山居春興

最愛山居景色清春雲日傍嶺頭生殘花吹墜兩三朵好鳥啼來
四五聲小艇過橋溪驟漲冷松壓屋月初明憑誰寫作丹青畫只
恐風光畫不成

壽黃秋園先生六秩卽和原韻

為愛濟山築小廬安排黃石此中居神鍼砭俗仙才大法鉢傳人

佛性虛三逞春風容我坐一簾花雨課兒書休言壯志難酬願生先

原唱有壯志難勇到文壇尚賈餘

六秩筵開滿座春地行仙本異凡塵醫經活世肱三折於先生精詩

律驚人眼一新閒憇吟牕編甲乙愛聽夜漏守庚申春歸杖履先

生笑笑指蒼松伴老身

家傳清白不為癡玉筍排班冠一時雨灑文園花萼麗秋生老圃

菊香知高人骨格松梅竹名士頭銜書畫詩我是公門舊桃李絳

幃久濶最相思

魯殿靈光卽在斯瓣香一縷阿誰知名山著作奇而正大雅扶輪

老未遲夜雪門前人問字春風花裏客尋師只因鍊熟金丹訣換

得童顏并壽眉

湖村夜歸

水禽啾唧滿林栖
蘆影模糊半遠堤
風閃秋燈茅店裡
月明星稀

板橋西牆頭无樹
疑人立籬脚寒蟲
駭鬼啼記得到門
纔坐定鄰

家初唱一聲雞

秋郊晚眺

散步郊原怯葛衣
蕭然野色滿柴扉
楓林葉落露茅屋
蓼岸花深

藏釣磯古樹昏鴉
翻墨鬥荒田饑雀
引雛飛數聲牧笛
烟中起兩

兩烏犍傍水歸

海城即事

滿城松柏鬱青葱
地近蓬萊海嶠東
秋雨稻田雙穗碧
春風燈火

六街紅山環龜鳳
斜陽裡海城有麟鳳龜四靈山
潮落魚蝦小市中

海城有麟鳳龜四靈山

何處鐘聲雲外響
香隨明月到簾櫳

糊牕

卍字零星幻小楹
輕箋糊處浪紋生
寫晴梅影痕初上
敲凍霜花
夜有聲斐几白鋪
雙管下小樓紅定
一燈明吉祥虛室
光難掩為
愛巢痕補綴成

晚過山村

禽歸獨樹捲烟蘿
客思蕭然晚更多
樵子不知西日落
滿肩紅葉

唱山歌

題畫

秋林一抹鎖烟霞
策杖來尋古寺花
獨立西溪橋畔望
丹楓缺處
露人家

夜行即目

新上...

夜深踏月到三更轉過平橋望眼明
牕裡紅燈牕外影誰家樓上讀書聲

觀踏高蹺

世事蹊蹺不可省如何平地亦蹺蹺
寄聲踰越闕山者遮莫悲歌行路難

咏李廣

猿臂將軍酣戰時封侯骨相繫人思
數奇出自君王口未必將軍數果奇

淮陰侯

食則有漂母殺則有呂后如何大英雄
顛倒婦人手

秦始皇

妄自帝人窠鯨吞肆奇禍所以焚詩書
焚出阿房火

夜不成寐起坐達旦

不寐披衣起詩魔向我尋穿牕孤月影近榻一蟲吟燈小痕如米

蚊餓嘴似鍼乍驚山鳥喚已見曙光侵

寄懷紫石之客魏昌

昔年將北上把酒意沉吟竟唱驪歌去渾忘驛路深風霜游子面

書札故鄉心倘有歸鴻便相期寄好音

久客非長策倚閭有老親計程閒屈指念別且勞神月滿鄉園夜

燈寒旅館人金錢時暗卜也應整歸輪

自君之出矣寄紫石

自君之出矣夜夜不成眠思君如滿月何日得重圓

自君之出矣無語坐羅幃草色階前綠春歸人未歸

自君之出矣相思不可說昨日寄君書忘記寫年月

夏書

畫靜藜牀午夢遲
落梅風起嫩涼時
雨多土壁蝸行字
晴驟花牕蟻吐絲
貧飲難償賒酒債
浪吟屢作和人詩
閒來去就園丁話
一介蜻蜓立竹籬

納涼

日間最苦是炎陽
自愛開軒納晚涼
莎徑蟲吟秋境靜
竹棚人語荳花香
蚊驅蒲扇雙肱倦
星打金丸一縷光
坐向妻兒談古事
不知露冷濕衣裳

夜坐遣興

攤書靜坐近三更
村杓沉沉聽不清
鼠子窺人來又去
燈花鬪蕊滅還明
竹爐煨處茶初熟
牕紙裂時風有聲
酒興未闌詩膽壯
最難安頓此時情

刈麥詞

朝刈麥腰鎌閃閃隴頭集暮刈麥耜板聲聲珠汗濕小兒曳束大
兒擔稚子驅雀持竿立小麥大麥盡登場風吹餅餌午飯香鵲鵲
窺人咏殘粒村童拾穗走且僵刈麥愛晴只怕雨其雨其雨天難
補老農拍手笑向天今朝刈麥晴如許西隣老翁淚如珠生男懶
惰田園蕪去年麥熟為饑驅今年麥熟逃麥租

打麥詞

打麥聲滿村庄裡聲聲打入阿儂耳阿儂午睡夢初酣忽聞打麥
披衣起去年打麥不滿篝今年打麥乃有秋婦吹麥飯兒歌謳烏
啄遺粒鳴啾啾枝頭有鳥啼布穀布穀期穀熟打麥何如打
穀樂秋成遍唱太平曲

討麥租

討麥租勢家奴如虎登門呼為問汝租肯完乎去年租欠飽妻
孀今年租欠償私逋主人今朝大怒我催租不力謂我惰我固不
識哀哉窮汝亦休道富人哿欠累累非瑣瑣還我租速如火噫嘻
乎貧家辛苦年復年無租可抵抵以錢新租錢抵百舊租錢抵千
麥飯依舊不得飽明朝土竈冷無烟

水車謠

轉輪運水水滿軸軸轉輪飛轉運足老農赤腳腳無肉踏車辛苦
歌如哭春來水漲數尺高青秧浸壞心焦勞築堤壠上翻水出踏
破水車車欲號無奈夏來旱如此炎官忙甚雨師死內河水涸外
河乾一點汗換一點水水無雨無禾又無門外有吏來催租老妻
借米誰家去襟中黃口啼呱呱

端午竹枝詞

無端鏡鼓出空洲
環佩如雲簇水頭
絕似若耶溪上女
乘潮一弄采蓮舟
香膩雲鬟淡不濃
綵絲新樣起盤龍
阿怪郎倚扇船頭
坐不省龍舟只省儂
畫艦輕搖出浦遲
游人堤畔立多時
須臾金鼓連天震
忙殺中流蕩槳兒
蓬牕隱隱小紅低
惹得游人望眼迷
報道奪標龍到也
輕橈移過畫橋西
沙棠小楫木蘭舟
穩坐珠娘汗漫游
生怕郎來難掩避
帕羅佯掉不回頭
滿湖珠翠豔風華
隣舫停時靜不譁
忽地風來香撲鼻
美人鬢壓素馨花

浴罷香蘭豔更加梳粧時樣背人誇阿儂衫子新裁出淺色芙蓉

艾虎紗

榴花照眼午時天蒲酒薰人倦欲眠不是衫明裙碧處阿誰肯熾

木蘭船

盈盈一水遇傾城眉展秋波恰有情不用掩羞遮扇子郎君着眼

已分明

一聲歸棹綠楊津水調歌圓最泥人誰把芳馨招屈子半湖香霧

散游塵

三句初度

三句莫漫喜沾沾而立無能轉自嫌世事看人頭腹尾家常驅我

米柴鹽字因書慣難遮醜舌為耕多已損尖笑把家資誇向客殘

編堆滿竹絲篔

猶喜安居隔市闌此身懶慣出門艱
撐持家計妻真健翻弄爺書
兒更頑病累纔知雞犬樂詩多屢
托友朋剛思量消遣無他法檢
點奚囊去看山

酒飲三盃足顏豪情猶有未全剛
貧無可諱客偏好倩不能逃
門且闕讀史每懷千古業栽花
贏得一身閒焚香掃地成痴想
可有黃金買小鬟

小牕鎮日寄吟身辜負光陰三十
春未必科名偏靳我祇緣才命
不如人讀書有味閒方覺趨世
無能拙是真且把瑤琴彈一曲
阿誰相賞在風塵

戲咏村學

農子恒農太不分翻教誦讀罷
耕耘南腔北調百家姓東抹西塗
千字文耍戲神頭兼鬼腦
唔子曰并詩云油鹽襍字書
難慣把

筆學拳重幾斤

娟長折柬拜西賓野貌謙恭禮更真館借荒祠堆草稻紫橫禿筆

溷仄塵衣剝抖擻村夫子字格糲糊上大人報道先生歸去也拋

磚打鼓惱西隣

手捧書包八九童恰如蛙部鬧池中粉牆塗塌泥糊黑硃筆麻搽

句讀紅弟子頑皮愁夏楚先生頭腦太冬烘村腔雜亂紛紛起羸

得痴聾作阿翁

秋日張氏書樓晚眺

暮靄起樓陰幽懷如可尋牕敲秋葉響雨隔夜燈深汀水澹於畫

山雲清此心茶鐺兼酒盞相對助微啞

自來火

客有貽小兒自來火一匣者啟視之約有數十枚足長寸

浙江省立嘉興圖書館藏

許其細如鍼剗之火光迸發一霎成燈洵奇物也戲吟十
二韻

異物番洋貢天然火自來石敲唾笨伯榆改笑癡才燈影書牕逗
茶香土竈焙烟飛常撲鼻電走不驚雷體倩燧人製形疑鍼樣裁
芒寒難敵焯焯短易成灰燕尾千枝爛蘭心一點開藜燃差可擬
薪代漫相猜穗玉輝雙蕊珠紅簇幾枚爭先羞鬼魅搓手笑嬰孩
燒蠟凝冰淚團風墜麝煤隣家如許乞領取芋同煨

書舍偶成

小樓靜坐理牙籤堆榻殘編信手抄筆禿書聞箋背响墨殘磨仗
指頭箱吟遶夜月茶三椀坐聽秋蟲雨一簾想得南園籬畔菊可
能許我作陶潛

途行見秋禾大熟喜賦此

匝野黃雲一望新風
畊火種費艱辛
村農不肯供禽饗總長處處秋田

縛草人

辛魚水旱幸無蟲
滿豆雞豚賽社公
野老醉歸童稚笑
人生幾見

太平風

家居雜興

家居勤少懶
偏多睡愛沉沉
春夢婆籬下
犬迎客不速
鑪中香爇

佛彌陀雞聲日
午兒啼飯燈影
更闌妻弄梭
白不求工容易得等

閒譜出短長歌

過眼光陰似箭忙
居家無事日偏長
焚香且讀易
一卦磨墨閒臨

字幾行片紙收藏
作詩草幽花細碎
落琴牀敲棋把釣
都成厭戲

摘園花分女郎

枕頭蝴蝶忽飛去
屋角斑鳩又送聲
酒國策勳瓦
學士債臺避詔

阿姓纔四歲能言復能走靈性頗不癡面貌頗不醜不肯認之魚
只愛弄雞狗鼻涕一尺長衣垢一寸厚嬉戲在階除依依喚阿母
索棗并索梨梨棗噉滿口有時闔門窺偷吃阿翁酒我家本書生
書香已云久不識這豚兒父書能讀否

湖村散步

梨花淡白柳青青草繞長堤蠟屐停雨霽湖村團水氣風吹魚市
過橋腥牧牛兒睡花簪笠沽酒人歸草塞瓶盼到烟雲縹渺處晚
山圍翠似圍屏

嘆夷來

嘆夷來民遷徙嘆夷去民歡喜夷之驚人何爾爾何不張我弓何
不挾我矢滅盡嘆夷而後已而乃戰不蒙虎皮和反執牛耳翻教
開成日中市紛紛夷夏無彼此君不見金人橫宋室耻議和生議

戰死議和議戰果誰是塞外蒙塵走天子

甌江變

甌江夜擊鼙鼙鼓紅夷登岫劫商賈旋毛深目眉倒豎酷似閻羅
點鬼簿可憐無辜民被虜性命不值芥與土一刀割頭一刀肚長
繩高縛檣竿柱紅夷嗚嗚歌且舞歌且舞誰敢侮漫搖甌江一聲
觴

樓居春興八首

賀監湖邊住杜陵灑上居彎環三面水坐卧一床書牆矮看山便
簾疎受月虛此間佳趣得勝賞有誰如

几淨焚香好聰明寫竹宜有時還飲酒無日不吟詩暖草早綿衣重
晝長午飯遲何當來舊雨相對坐敲棋

磴小苔痕合欄迴水影清花開一二朵鳥弄兩三聲泉石觀天趣

文章爲性情吾生澹相寄欲共白鷗盟
畫愛王摩詰詩摹陸放翁懷人三月雨破夢一湖風竹硯蠅吞墨
花籬犬吠紅靜觀成久坐幽興寄絲桐
地僻人稀到身閒夢未遙貪眠知我懶吹帙怪風驕小楷書妨目
耽吟坐損腰胸中何所有塊壘一盃消
野樹開棠棣山禽叫栗留經談楊子宅月滿庾公樓寺遠敲清磬
橋低礙小舟前村風雨裏酒旆未曾收
平田通小市曲水聚游魚攤卷呼兒讀牽藤喚客鋤泉香春啜茗
燈小夜鈔書懶漫年來慣渾忘禮讓踈
野意歸雲外吟懷落照前人聲出蘿屋塔影卧松烟細草眠牛路
新晴曠藥天歲華飄忽易彈指又經年

奉懷黃衡石

久潤雙魚一紙書
迨迨雲樹感離居
我如阮籍貧偏慣
君似元龍豪未除
梁月夢迴雞唱後
汀花香滿蝶來初
相思舊雨知何似
咫尺天涯一樣疎

苔岑依倚記當年
叔度汪洋眾口傳
讀古不辭三萬卷
沾春肯費十千錢
若論風骨誰如俠
便說詩才也是仙
遙想攤書今夜坐
小牕暮雨一燈燃

畧將近况爲君陳
未索東方饑死臣
帶水拖泥無善狀
求田問舍不如人
雲龍遇合天難幸
貧賤交情爾最真
幾度呼兒掃藜榻
遊君親漉甕頭春

酒地茶天同拍肩
棋鎧茗椀校吟編
自從一笑成知己
想亦三生有夙緣
霞嶺花明山外雨
雲江舸泛鏡中天
何當闖入一龍座
倒着烏巾共醉眠

近聞君與胡桂泉諸君極文譙之樂

余
淘
字
梅
史
瑞
安
唐
下
村
人
邑
諸
生
著
有
羅
山
樵
子
吟
稿

戴
炳
驄
識

溫州府圖書館

WENZHOU LIBRARY

附 南湖陡門募捐引

蓋聞江淮河漢百谷朝宗疏瀹決排一王興利築塘捍海錢武肅
之鴻謨掘井便民李鄴侯之駿烈此皆興水利於一時是以著芳
聲於千古也瑞邑四都之有陡門也地屬南湖流歸東海風迴露
白月上潮青滙衆瀆而爭奔納細流而畢赴前朝建設昭代增修
張邑侯白水盟心曾捐鶴俸池太學黃金散手重固鴻基雖旱潦
之不時乃開閉之有候滔滔不絕高田水入低田汨汨其來小曲
波聯大曲決諸東決諸西沛然莫禦從流上從流下逝者如斯蓋
田疇悉資其灌溉而舟楫以利於往來也無如歲月頻更稔災迭
告堯天降割禹甸洪荒泥滑滑堤潰鼃鼃泉涓涓岫崩螻蟻犀燃
竟委蠱測窮源水與水相忘似茅塞篔簹間之路物交物相引如泥
封函谷之關大波瀾小波淪不流束楚朝至潮夕至汐欲變桑田

那堪鹽化鹵侵禾廩莫灌安得風分流擘畚鍤偕來及今不圖為
費猶鉅矣僕等情殷利濟志在激揚乘宗慤破浪之風率苻堅投
鞭之眾波翻鯤壑勢恐滔天界畫鴻溝德思掘地漢耿恭拜井泉
自誠生晉吳猛畫江技求神助慮獨力之難支庶眾擊之易舉乞
西江一勺之水區區不辭聚恒河萬斛之沙多多益善積銖為貫
集腋成裘明知愚翁移山無求不應仁見黎陽負土有志竟成消
瘴癘於蛋雨蠻烟雲開蜃市話平安於鮫宮鯨島春靄磷洲九屬
同心弗辜翹首




温州市图书馆

WENZHOU LIBRARY



温州市图书馆

WENZHOU LIBRARY



0510